

morum non descendant in terram, sed ex singulis navibus mittantur si opus fuerit solum provisos non armati, munitione centum personarum in toto non excedentes, et gerent quamdiu illos prædictorum victualium provisionem ibidem morari contigerit.

Item, conventum concordatum et conclusum est, quod, ad securitatem commoditatem utrorumque Serenissimorum Regum prædictorum Rex Catholicus, expensis suis, infra tertia die mensis Maij proxime futuri, instruet et armabit cum machinis et instrumentis bellicis quinque naves cum certo numero armatorum, quæ naves mare transcurret a mare hispanico usque ad Anthonam; et pariformiter dictus Serenissimus Rex Angliæ suis expensis instruet et armabit quinque naves cum machinis et instrumentis bellicis, cum certo numero armatorum, quæ naves discurrant et transcurret ab Anthona usque ad Flandriam, et capitanei et ductores prædictorum Regum habebunt in mandatis quando cumque opus fuerit, se coniungere, mutuo auxiliari et mare a quibuscumque hostibus vel pyratibus conservare tutum et liberum, ad conservationem personarum dictorum Regum et principum.

Item, conventum concordatum et conclusum est, quod cæteri tractatus confæderationum, ligarum, amicitiarum et intelligentiarum inter dictos Reges existentiam ante hæc conclusi et jurati, quibus hactenus derogatum non est, vel huic tractatui non contrariantur, suum debitum sortiantur effectum, nec per hunc tractatum mutui colloqui in aliquo est ab eis vel aliqua eorum parte recessum.

Item, conventum concordatum et conclusum est, quod quamprimum præsens tractatus per nos et Serenissimi Angliæ Regis deputatos oratores commissarios et procuratores prædictos sigillatus fuerit, nos et prædicti oratores jurabimus ad sacrosancta Dei Evangelia in animam Serenissimorum Regum dominorum nostrorum respective, quod prædicti Reges et eorum quilibet hunc præsentem tractatum et singula capitula in eo contenta observabunt et observabit observari, nec faciant et facient eorum quilibet etc.

Item, conventum concordatum et conclusum est, quod infra XXX dies computandos a data præsentis tractatus, prædicti Serenissimi Reges et eorum quilibet dabunt tradent et liberabunt, dari tradi et liberari, vel facient et faciet oratoribus vel oratori dictorum Regum apud suas Serenitates residentibus vel residenti, litteras suas confirmatorias in bona et ampla forma, per quas promittent bona fide et in

verbo regio quod inviolabiliter servabunt et servari facient præsentem tractatum et singula in eo contenta, supplendo quoscumque defectus tam juris quam facti, quorum vigore litterarum mandatarum mandatorum et commissionum inferius insertarum possent quoquomodo de invaliditate impugnari vel redargui.

Sequentur tenores commissionum de quibus fit supra mentio.

In quorum omnium et singularum præmissarum testimonium atque fidem, nos oratores ambasciatores et commissarii Serenissimi et potentissimi Regis Angliæ et Franciæ domini nostri supranominati, præsentibus litteris sigillo nostro sigillavimus, et manibus nostris subscripsimus.

Data in civitate Londini die XI mensis Aprilis anno Domini 1520.

Item, conventum concordatum et conclusum est, quod die XI Aprilis prædicti, per nos oratores prædictos, virtute commissionum nostrarum prædictarum, quod quando dictus illustrissimus Rex Angliæ et Franciæ et serenissima ejus consors Regina cum suis comitantibus ibunt per dominium et districtum dicti Serenissimi Romanorum Hispaniarum Regis, tunc dicto Angliæ Regi, ejus consorti Reginæ et reliquis eos comitantibus superioritas et præheminentia quamdiu ibi fuerint aut manserint respective dabitur; et parimodo, quando dictus Serenissimus Romanorum et Hispaniarum Rex ac illustrissima domina Margarita amita sua cum suis comitantibus venient in districtum et dominium dicti illustrissimi Angliæ regis, tunc dicto Serenissimo Romanorum et Hispaniarum Regi illustrissimæ dominæ Margaritæ amitæ suæ et reliquis eos comitantibus superioritas et præheminentia quamdiu ibidem fuerint aut manserint, respective pariformiter dabitur.

Item, quia fortasse continget dictos principes, eorum proceres, nobiles et familiares, ut eo mutuo accrescat amor ac intimior firmiorque propagetur amicitia se se invicem conversare et familiariter conversari, igitur, ut id commodius et tutius absque omni periculi suspitione sive metu sive inter diu libere facere possint, conventum, concordatum et conclusum est die XI Aprilis supradicto inter nos oratores prædictos, quod duo nobiles cum pari et æquali comitiva ad hoc conjuncti per utrumque dictorum principum respective assignanda, deputabuntur iterum custodiam tutelam et excubias continue durante dicto regum conventu diligenter observandas: qui nobiles cum sua comitiva specula-